

新建曹繩彥輯

二冊

古今名醫
萬方類編

上海大東書局發行



古今名醫萬方類編卷五

新建曹繩彦鞠庵氏手集

族甥閔其昌校對

通治部

咳嗽門

卒暴咳嗽

普濟方 白善王粉白礬一兩為末薑汁糊丸梧子大臨臥薑湯服二十九

肘后方 益月土一分豉七分搗丸梧子大每飲下四十九

備急方 爐中鉛屑桂心皂莢等分為末蜜丸如梧子大每飲下十五丸忌葱

普濟方 老小暴嗽石灰一兩蛤粉四錢為末蒸餅丸豌豆大焙乾每服三十丸溫薑汁下

肘后方 芫花一升水三升煮汁一升以棗十四枚煮汁乾日食五枚必愈

張文仲方 用百部根漬酒每溫服一升日三服 葛洪用百部生薑各搗汁等分煎服二合續千金

方用百部藤根搗自然汁和蜜等分沸湯煎膏嚙嚙 普濟方治卒歎不止用百部根懸火上炙乾每

含嚙汁勿令人知

本草方 桃仁三升去皮杵着罈中密封蒸氣日乾絹袋盛浸二斗酒中七日可飲下飲四五合

崔元亮海上方 頌曰用好梨去核搗汁一椀入椒四十粒煎一沸去滓納黑錫一大兩消訖細細含



噉立定 說曰用梨一顆刺五一孔每孔納椒一粒麵裹炭火煨熟停冷去椒食之 又方去核納酥蜜麵裹燒熟冷食 又方切片酥煎食 又方搗汁一升入酥蜜各一兩地黃汁一升煎成含噉治噉須喘急定時冷食之若熟食反傷肺令噉更劇不可救也若反可作羊肉湯餅飽食之即佳

肘后方 屋上白螺或白蜆殼搗為末酒服方寸匕

千金方 卒寒咳嗽皂莢燒研豉湯服二錢

急救良方 用白蜆殼搗為細末以熟米飲調每服一錢日三服甚効

肘后方 白雞一隻苦酒一斗煮取三升分三服并淡食雞

肘后方 烏雄雞一隻治如食法酒漬半日飲之

肘后方 猪腎二枚乾薑三兩水七升煮二升稍服取汁

久嗽

崔氏方 三十年呬嗽熏黃木香各等分為末羊脂塗青紙上以末鋪之竹筒燒烟吸之

勝金方 金粟丸用葉子雌黃一兩研以紙筋泥固濟小合子一个令乾盛藥水調赤石脂封口更以

泥封待乾架在地上炭火十斤簇煖候火消三分之一去火候冷取出當如鏡面光明紅色鉢內細研

蒸餅丸粟米大每服三凡五丸甘草水服

醫學集成 久近痰嗽自胸膈下塞停飲至於臟腑用知母貝母各一兩為末巴豆三十枚去油研勻

每服一字用薑三片二面煎藥細嚼嚥下便睡次早必瀉一行其嗽立止壯人乃用之一方不用巴豆



聖惠方 出膿血貫眾蘇方木等分每服三錢水一盞生薑三片煎服日二服 久咳漸成癆瘵鳳尾草為末用魚鮓蘸食之

圖經本草 紫苑欬冬花各一兩百部半兩搗羅為末每服三錢薑三斤烏梅一個煎湯調下日二服
孟詵必効方 有膿血黃芩子五錢淘去浮者煮令芽出炒研真酥一雞子大太康七叔同煎令酥盡
取棗日食三枚 又方黃芩子三撮吞之日五六度光祿李丞服之神驗

崔行功纂要方 至三十年者黃芩子木香熏黃等分為末以羊脂塗青紙上撒末于上卷作筒燒烟
熏吸之

千金方 三十年嗽百部根二十斤搗取汁煎如飴服方寸匕日三服 深師加蜜二斤 外臺加飴
一斤

普濟方 馬勃為末蜜丸梧子大每服二十丸白湯下即愈

宣明方 久咳虛嗽費同知百勞散治咳嗽多年自汗用罌粟殼二兩半去蒂膜醋炒取一兩烏梅半
兩焙為末每服二錢卧時白湯下

危氏方 穀氣素壯人用之即効粟殼去筋蜜炙為末每服五分蜜湯下

醫學集成 蘿蔔子炒杏仁去皮共炒等分蒸餅丸麻子大每服三五丸時時津咽

蕭大尹方 核桃仁五十箇煮熟去皮人參五兩杏仁三百五十箇麩炒湯浸去皮研勻入煉蜜丸梧

子大每空心細嚼一丸人參湯下臨卧再服

經驗方 生訶黎勒一枚含之咽汁瘡後口爽不知食味却煎煑榔湯一椀服立便有味此知連州成密方也

古今錄驗 久嗽欲死許明則有效方用厚榆皮削如指大長尺餘納喉中頻出入當吐膿血而愈
本草方 或十年或二十年醫不効者生龜三枚治如食法去腸以水五升煮取三升浸麴釀秫米四升如常飲之令盡永不發 又方用龜生一枚着炊中令人溺之浸至三日燒研以醇酒一升和末如乾飯頓服須臾大吐嗽囊出則愈小兒減半

必効方 鷄子白皮炒十四枚麻黃三兩焙為末每服方寸匕飲下日二

張文仲方 豬腎二枚入椒四七粒水煮啖之

本艸方 二十年嗽豬脰三具大棗百枚酒五升漬之秋冬七日春夏五日絞去滓七日服盡忌鹽
姚僧坦集驗方 肺痿時時寒熱頰赤氣急用童便去頭尾少許五合取大粉甘草一寸四破浸之露一夜去甘草車旦頓服或入甘草末一錢同服亦可一日一劑童子忌食五年熱物

鄧筆峰雜典 氣急知母去毛切五錢腸紙炒杏仁薑水泡去皮共焙五錢以水一鍾半煎一鍾食遠溫服次以蘿蔔子杏仁等分米糊丸每服五十丸薑湯下以絕病根

久嗽肺脹

衛生家寶方 五味二兩栗殼白錫炒過半兩為末白錫丸彈子大每服一丸水煎服

普濟方 皺肺丸用五靈脂二兩胡桃仁八個柏子仁半兩研勻滴水和丸小豆大每服二十九甘草

湯下

久嗽唾血

外臺方

白前桔梗桑白皮三兩炒甘草一兩炙水六升煮一升分三服忌豬肉松菜

食醫心鏡

勞瘵骨蒸日晡寒熱生地黄汁三合煮白粥臨熟入地黄汁攪勻空心食之

久嗽肺癰

張仲景金匱玉函方

胸滿振寒脈數咽乾不渴時出濁唾腥臭久久吐膿如粳米粥者稻梗湯主之

桔梗一兩甘草二兩水三升煮一升分溫服再服朝暮吐膿血則瘥

張仲景金匱玉函方

煩滿微熱心胸甲錯葦莖湯用葦莖切二升水二斗煮汁五升入桃仁五十枚

薏苡仁瓜瓣各半升煮取二升服當吐膿血而愈

范汪方

心胸甲錯者以醇苦酒煮薏苡仁令濃微溫頓服肺有血當吐出愈

主治時珍方

膿血腥臭不問膿成未成用柘耳一兩研末同百草霜二錢糊丸梧子大米飲下三十

丸効甚捷

本草方

宗奭曰久嗽不愈肺積虛熱成癰咳出膿血曉夕不止喉中氣塞胸膈噎痛用蛤蚧阿膠鹿

角膠生犀角羚羊角各二錢半用河水三升銀石器內文火熬至半升濾汁時時仰卧細呷日一服張

刑部子臯病此因樞密况授方服之遂愈

久嗽熏法

發明 頌曰本經主欬逆古方用為溫肺治嗽之最崔知梯療久咳重法每旦取款冬花如雞子許少蜜拌花使潤納一升鐵鑪中又用一瓦盆鑽一孔孔內安一小筆管以麝泥縫勿令漏氣鑪下着炭火少時烟從管出以口含吸咽之如胸中少悶須舉頭即將指頭按住筒口勿使漏至烟盡乃止如是五日一為之待至六日飽食羊肉餽飪一頓永瘥 宗奭曰有人病嗽多日或教然款冬花三兩於無風處以筆管吸其烟滿口則嗽之數日果効

發明 震亨曰治寒痰咳嗽宜用佛耳草熱痰嗽宜用燈籠草 時珍曰別錄云治寒熱欬東垣云治寒嗽言其標也日華云治熱嗽言其本也大抵寒嗽多是火鬱於內而寒覆於外也按陳氏經方云三奇散治一切咳嗽不問久近晝夜無時用佛耳草五十文款冬花二百文熟地黃二兩焙研末每用二錢於爐中燒之以筒吸烟咽下有涎吐去予家一獲久病此醫治不効偶在元州得一婢用此法兩服而愈也

肺痿久嗽

廣利方 涕唾多骨節煩悶寒熱以甘草三兩炙搗為末每日取小便三合調甘草水一錢服之

食療本草 人參末二兩鹿角膠炙研一兩每服三錢用薄荷豆豉湯一盞葱少許入銚子煎一二沸傾入盞內遇咳時溫呷三五口甚佳

聖濟錄 木鼈子冬款冬各一兩為末每用三錢紙之吸烟良久吐涎以茶潤喉如此五六次後服補肺藥一方用木鼈子一箇雄黃一錢

肘后方 吐涎沫心中温温咽燥而不渴生天門冬搗汁一斗酒一斗飴一升紫苑四合銅器煎至可
丸每服杏仁大一丸日三服

儒門事親 漢防己末二錢漿水一錢煎七分細呷

李絳兵部手集 大人小兒咳逆短氣胸中吸吸咳出涕吐嗽出臭膿用淡竹瀝一合服之日三五次
以愈為度

普濟方 立効丸治肺虛隔熱咳嗽氣急煩滿咽乾燥渴欲飲冷水體倦肌瘦發熱減食喘急不出
黃蠟溶瀝令淨漿水煮過八兩再化作一百二十九丸以蛤粉四兩為衣養藥每服一丸胡桃半個細嚼
温水下即卧閉口不語日二服

葛可久方 作燥羊肺湯用羊肺一具洗淨以杏仁柿霜真豆粉真酥各一兩白蜜二兩和勻灌肺中
白水煮食之

集驗方 傳久臭溺日日温服之

咳嗽不止

肘后方 浮石末湯服或蜜丸服

摘元方 瓜萸仁一兩文蛤七分為末以薑汁澄濃脚丸彈子大噉之

初虞世必効方 生薑五兩錫半升火煎熟食盡瘡段待御用有効

壽域神方 蝙蝠去翅足燒酒為末一錢食後白湯下

食療方 黃明膠炙研每服一錢人參末二錢薄豉湯二盞葱白少許煎沸嗽時溫呷三五口即止

肺勞咳嗽

斗門方 雌黃一兩入瓦合內不固濟坐地上以火焙之厚二寸以炭一斤簇定頂火煨至分去不

火出毒為末糖酥和丸粟米大每日空心杏仁湯下三丸

聖濟錄 卧時盛者不灰木一兩半太陰元精石二兩甘草炙半兩貝母一兩半天南星白礬水煮過

半兩為末每服半錢薑湯下

肺傷咳嗽

衛生易簡方 紫苑五錢水一盞煎七分溫服日三次

肘后方 猪胆一具苦酒煮食不過三服

肺痿咳血

聖濟錄 不止用栝樓五十箇連瓢丸焙烏梅肉五十個焙杏仁去皮共炒二十一箇為末每用一捻

以猪肺一片切薄摻末入內炙熟冷嚼咽之日二服

發明 頌曰濟生方治肺損咯血以熟猪肺切蘸蔥以仁末空心食之蔥以補肺猪肺引經也趙君猷

言屢用有効

普濟方 蘿蔔和羊肉或鯽魚煮熟頻食

肺熱痰咳



嚴用和濟生方 胸膈塞滿用瓜萁仁半夏湯泡七次焙研各一兩薑汁打麵糊丸梧子大每服五十丸食後薑湯下

勝金方 萊菔子半升淘淨焙乾炒黃為末以糖和丸芡子大綿裹含之咽汁甚妙

肺熱咳嗽

衛生易簡方 沙參半兩水煎服之

濟生方 肺熱痰嗽制半夏括樓仁各一兩為末薑汁打糊丸梧子大每服二三十丸白湯下或以括

樓瓢煮熟丸

發明 宗奭曰枇杷葉治肺熱嗽甚有功一婦人患肺熱久嗽甚身如火炙肌瘦將成勞以枇杷葉木通欬冬花紫苑杏仁桑白皮各等分大黃減半如常治訖為末蜜丸櫻桃大食後夜卧各含化丸一顆未終劑而愈矣

外臺秘要 蘇遊鳳髓湯用松子仁二兩胡桃仁二兩研膏和熟蜜半兩收之每服二錢食後沸湯點服

肺氣咳逆

深師方 體腫短氣脹滿晝夜倚壁不得卧常作水雞聲者白前湯主之白前二兩紫苑半夏各三兩大戟七合以水一斗漬一宿煮取三升分作數服禁食羊肉錫饌大佳

簡便方 砂仁洗淨炒研生薑連皮等分搗爛熱酒食遠泡服

崔知悌方 不得臥或遍體氣腫或單面腫鼓足腫並主之葶藶子三升微火熬研以絹袋盛浸清酒



五升中冬七日夏三日初服如桃許大日三夜一冬月日二夜三量其氣力取微利下為度如患急者不待日滿亦可絞服

梅師方 呬呀息氣喉中作唾粘以藍葉水浸搗汁一升空腹頻服須臾以杏仁研汁煮粥食之一兩日將息依前法更服吐痰盡方瘥

張仲景金匱要略方 脹沉者澤漆湯主之澤漆三斤以東流水五斗煮取一斗五升去滓入半夏升紫參白前生薑各五兩甘草黃芩人參桂心各三兩煎取五升每服五合日三服
儒門事親 蕎麥粉四兩茶末二錢生蜜二兩水一碗順手攪千下飲之良久下氣不止即愈
食醫心鏡 喘促唾膿血以來服子一合研細煎湯食上服之

劉禹錫傳信方 用合州乾薑炮皂莢炮去皮子及蛀者桂心紫色者去皮並搗篩等分鍊白蜜和搗三千杵丸梧子大每飲服三丸嗽發即服日三五服禁食葱熨油脫其効如神禹錫在淮南與李亞同幕府每治人而不出方或謂其吝李曰凡人患嗽多進冷藥若見此方用藥熱燥必不肯服故但出藥即多効也試之信然

千金方 不拘大人小兒以杏仁三升去皮共炒黃研膏入蜜一升杵熟每食前含之咽汁
心鏡 胸滿氣喘桃仁三兩去皮共以水一大升研汁和粳米二合煮粥食之

聖惠方 治傷中筋脈急上氣咳嗽者用棗二十枚去核以酥四兩微火煎入棗肉中泣盡酥取收之
常含一枚微微咽之取瘥

崔元亮海上集驗方 腹滿羸瘦者椒葉三斗水三斗煮三十沸去滓煎至可丸如棗大以筒納入下部中立愈

張仲景方 唾濁不得卧皂莢丸用皂莢炙去皮子研末蜜丸梧子大每服一丸棗湯下日三夜一服百一方 十年二十年諸藥不効用蝙蝠除翅足燒焦研末米飲服之

心鏡 煩滿用猪肉切作鍾子猪脂煎熟食之

心鏡 猪肪四兩煮百沸以來切和醬醋食之

千金方 積年垂死用良蜜子炒熟羊肺切曝等分為末以七月七日醋拌每夜服二方寸匕粥飲下隔日一服

痰嗽骨蒸

發明 時珍曰王海藏言子年二十時因感冒咳嗽既久且犯戒遂病骨蒸發熱膚如火燎每日吐痰盈許暑月煩渴寢食幾廢六脉浮洪遍服柴胡麥門冬荆瀝諸藥月餘並劇皆以為必死矣先君偶思李東垣治肺熱如火燎煩躁引飲而晝盛者氣分熱也宜一味黃芩湯以瀉肺經氣分之火遂按方用片苓一兩水二鍾煎一鍾頓服次日身熱盡退而痰嗽皆愈藥中肯綮如鼓應桴醫中之妙有如此者奇効方 潮熱團魚丸用團魚一個柴胡前胡貝母知母杏仁各五錢同煮待熟去骨甲裙再者食肉飲汁將藥焙研為末仍以骨甲裙煮汁和丸梧子大每空心黃芪湯下三十九日二服服盡仍以參芪

藥調之



苦嗽不効

發明 時珍曰按趙潛養痾漫筆云越州一學錄少年苦嗽百藥不効或令用南向桑條一束每條寸折納鍋中以水五盃煎至一盃盛瓦器中渴即飲之服一月而愈此亦桑枝煎變法爾

老嗽不止

陳藏器本草方 故茅屋上塵年久着烟火者和石黃散冬花婦人月經衣帶為末和蓬茅土待乾入竹筒中燒烟吸嚙無不瘥也

一切勞嗽

宣明方 胸膈痞滿焚香透膈散用鵝管石雄黃佛耳草款冬花等分為末每用一錢安香爐上煮之以筒吸烟入喉中日二次

秘韞方 吐臭痰者尋水邊蛇吞青鼈未嚙者連蛇打死黃泥固濟煨研空心酒服一二錢至効忌生冷五七日永不發也

化痰治嗽

本草方 明礬二兩生參末一兩苦醋二升熬為膏子以油紙包收旋丸豌豆大每用一丸放舌下其嗽立止痰即消 定西侯方只用明礬末醋糊丸梧子大每睡時茶下二三十丸 摘要用明礬半生半燒山梔子炒黑等分為末薑汁糊丸如上服 雜興方用白礬建茶等分為末糊丸服

簡便方 人參末一兩明礬二兩以醋醋二升熬礬成膏八人參末煉蜜和收每以豌豆大一丸放舌

下其嗽立止痰自消

王璆百一選方 清氣化痰三仙丸治中脘氣滯痰涎煩悶頭目不清生南星去皮半夏各五錢並湯泡七次為末自然薑汁和作餅鋪竹篩內以楮葉包覆待生黃成翅晒乾每用二兩入香附末一兩糊丸梧子大每服四十丸食後薑湯下

活法機要 結痰不出語音不清年久者亦宜玉粉丸半夏半兩桂心一字草烏頭半字為末姜汁浸蒸餅凡芡子大每服一丸夜卧含嚥

普濟方 痰嗽並喘五味子白礬等分為末每服三錢以生豬肺炙熟蘸末細嚼白湯下漢陽唐氏黃去病此百藥不効於岳陽遇一道人傳此兩服病遂不發

楊文蔚方 清痰利膈治咳嗽用肥大括翼洗取子切焙半夏四十九個湯洗十次搥焙等分為末用洗括翼水并蘘同熬成膏和丸梧子大每薑湯下三五十丸良

攝生妙用方 天羅即絲瓜燒存性為末棗肉和丸彈子大每服一丸溫酒化下

瀕湖醫按 百藥煎片黃芩橘紅甘草各等分共為細末蒸餅丸棗豆大時時乾咽數丸佳

久嗽不止

丹溪方 用五味子五錢甘草一錢半五倍子風化消各二錢為末乾嚥 攝生方用五味子一兩真茶四錢晒研為末以甘草五錢煎膏丸棗豆大每服三十九丸沸湯下數日即愈也

初虞世必効方 生薑五兩錫半升火煎熟食盡喻段侍御用之有効

本草方 烏梅肉微炒罌粟殼去筋膜蜜炒等分為末每服二錢睡時蜜湯調下
危氏得効方 久咳羸弱九共拒霜葉為末以魚鮓蘸食屢効

咳嗽遺失

潔古家珍 欬則遺失赤石脂禹餘糧湯主之大乙丹禹餘糧四兩火煨醋淬烏頭一兩冷水浸一夜
去皮臍焙為末醋糊丸梧子大每食前溫水下五丸

三焦咳嗽

聖濟錄 腹滿不飲食氣不順仙靈脾覆盆子五味子炒各一兩為末煉蜜丸梧子大每食前下

咳嗽膿血

席延賞方 咽乾乃虛中有熱不可服涼藥以好黃芪四兩甘草一兩為末每服二錢點湯服

沈存中靈苑方 咳嗽上氣喘急嗽血吐血脉無力者人參末每服三錢雞子清調之五更初服便睡

去枕仰臥只一服愈年深者再服咯血者服盡一兩甚効 一方以烏雞子水磨千遍自然化作水調

藥尤妙忌醋鹹腥醬麵鮮醉飽將息乃佳 又方人參黃芪飛羅麵各一兩百合五錢為末水丸梧子

大每服五十丸食前茅根湯下 朱氏集驗方用人參乳香辰砂等分為末烏梅肉和丸彈子大每白

湯化下一丸日一服

久咳喘急

總錄 猪蹄甲四十九枚以瓶子盛之安大兩星一枚蓋之鹽泥固濟煨烟出為度取出入款冬花半



兩麝香龍腦少許研勻每服一錢食後煎桑白皮湯下名黑金散

熱咳不止

摘元方 用濃茶湯一鍾蜜一鍾大熟瓜一隻一個去皮將瓢入茶蜜湯洗去子以鹽盛於飯上蒸至飯熟取出時時挑三四匙咽之

肺痿多涎

張仲景金匱要略 吐涎沫頭眩小便數而不咳者肺中冷也甘草乾薑湯溫之甘草炙四兩乾薑炮二兩水三升煮一升五合分服

梅師方 咳唾膿血薏苡仁十兩杵破水三升煎一升酒少許服之

痰嗽喘急

簡要濟眾方 桔梗一兩半為末用童子小便半升煎四合去滓溫服

秘韞方 白果七個煨熟以熟艾作七丸每果入艾一丸紙包再煨香去艾喫

發明 漂陽洪輯幼子病痰喘凡五晝夜不乳食醫以危告其妻夜夢觀音授方令服人參胡桃湯輯急取新羅人參寸許胡桃肉一枚煎湯一蠅壳許灌之喘即定明日以湯剝去胡桃皮用之喘復作仍連皮用信宿而瘳此方不載書冊蓋人參定喘胡桃連皮飲肺故也

瑞竹堂方 不能睡臥好芽茶一兩白僵蚕一兩為末放盞內蓋定傾沸湯一小盞臨卧再添湯點服余居士選奇方 長皂莢三條去皮子一莢入巴豆十粒一莢入半夏十粒一莢入杏仁十粒用薑汁

製杏仁麻油製巴豆蜜製半夏一處火炙黃色為末每用一字安手心臨卧以薑汁調之吃下神効
心鏡 用鯉魚一頭去鱗紙裹煨熟去刺研末同糯米煮粥空心食

急救方 用白蜆殼並多年陳者燒過存性為極細末以米飲調服一錢日三服

氣痰咳嗽

醫學正傳 芋根煨存性為末生豆腐蘸三五錢食即効末全可以肥猪肉二三片蘸食甚効

東垣蘭室秘藏 玉粉丸南星麴半夏麴陳橘皮各一兩為末自然薑汁打糊丸如梧子大每服四十

丸薑湯下寒痰去橘皮加官桂

活法機要 面白氣促洒浙惡寒愁憂不樂脉濡者玉粉丸用半夏南星各一兩官桂半兩為末糊丸

梧子大每服五十丸姜湯下

本草方 用香藥去核切砂餅內浸酒封固一夜煮爛蜜拌勻時時含咽

咳嗽吐血

本草方 用人參黃芪飛羅麵各一兩百合五錢為末水丸梧子大每服五十丸食前茅根湯下

朱氏集驗方 用人參乳香辰砂等分為末烏梅肉和丸彈子大每白湯化下一丸日一服

指南方 吐血後咳者紫苑五味炒為末蜜丸芡子大每含化一丸

經驗方 其者殷鮮桑根白皮一斤米泔浸三宿刮去黃皮剉細入糯米四兩焙乾為末每服一錢米

飲下

